

FISKE- og FISKERIDIREKTØREN

MELDING FRA FISKERIDIREKTØREN

J. 85/81

Forskrifter om vern for 4 fuglefredningsområde og vern av fuglelivet på og omkring Runde, i Herøy og Ulstein kommunar, Møre og Romsdal.

Fastsett ved kgl. res. av 30. april 1981. Fremja av Miljøverndep.

I

I medhald av lov om naturverv av 19. juni 1970 nr. 63, §§ 13 og 14, 2. ledd, jfr. §§ 9 og 10 er det i kgl. res. av 30. april 1981 oppretta 4 fuglefredningsområde og etablert fuglelivsfredning på og omkring øyane Runde i Herøy kommune og Grasøyane i Ulstein kommune under fellesnemninga Runde fredingsområde.

II

Fuglefredningsområda omfattar følgjande:

- 1. Runde vestsida som ligg innafør grenser mellom følgjande punkt: (1) Grensa mellom gnr. 9, bnr. 10 og felles utmark for gnr. 9 i sjokanten i Måganestranda, (2) vinkelpunkt på eigedomsgrrensa ved høgde 172 m.o.h. over Trepet, (3) høgde 188 m.o.h. rett sør for Runde fyr, (4) kote 50 på rett line mellom pkt. (3) og Runde fyr, og (5) neset på nordkant av Krykkjehola.

Mellom (1) og (2) følgjer grensa eigedomsgrensene, mellom (2) og (3) går grensa langs brotkanten av fjellet, mellom (3) og (4) langs ei rett line, frå (4) til (5) følgjer den foten av ura og berghamrane, og frå (5) til (1) langs sjokanten under fuglefjella.

Området omfattar følgjande eigedomar: Runde felles utmark, gnr. 9, bnr. 1—14, 17, 26, 30, 31, 36, 38. Gokseyr felles utmark, gnr. 10, bnr. 1, 3—9, 12 og 18, og statens eigedom v/Fyrdirektoratet, gnr. 10, bnr. 2.

- 2. Runde nordsida som ligg innafør grenser mellom følgjande punkt: (1) Neset på nordsida av gjøttet rett aust for Runde fyr, (2) brotkanten i fjellsida rett aust for Runde fyr, (3) høgde 116 m.o.h. ovafor Tindeneset og (4) neset søraust for Gjottane ved Tindeneset. Mellom (1) og (3) følgjer grensa brotkantar i terrenget, frå (3) til (4) følgjer den bratthenget og frå (4) til (1) følgjer den sjokanten.

Området omfattar følgjande eigedomar: Gokseyr felles utmark, gnr. 10, bnr. 1, 3—9, 12 og 18, og statens eigedom v/Fyrdirektoratet, gnr. 10 bnr. 2.

- 3. Hellestien—Blåfjellet—Kløfjellet—Geita som ligg innafør grenser med følgjande punkt: (1) Vestenden av tunellen på fylkesvegen, (2) brotkanten på vestsida av skardet nordnordnøtt for austspissen av Austefjellvatnet, (3) toppen av Blåfjellet, (4) punkt på eigedomsgrrensa mellom gnr. 9, bnr. 6 og 7 under bratthenget i fjellsida, og (5) grensa mellom Runde felles utmark og utskift eigedom i kanten av fylkesvegen under Blåfjellet.

Mellom (1) og (2) følgjer grensa under bratthenget, deretter langs loddlinja til topps, mellom (2) og (3) følgjer den fjellkanten, frå (3) til (4) går den i rett line, dels langs eigedomsgrrensa, frå (4) til (5) først langs fjellfot og nedkant av urer til under Geita, deretter langs skilje mellom Runde felles utmark og utskift eigedom, og mellom (5) og (1) langs sørsida av fylkesvegen.

Området omfattar følgjande eigedomar: Gnr. 9, bnr. 1, 5, 7, 10, 11, 17 og 38. Runde felles utmark, gnr. 9, bnr. 1—14, 17, 26, 30, 31, 36, 38 og Gokseyr felles utmark, gnr. 10, bnr. 1, 3—9, 12 og 18 pluss gnr. 10, bnr. 10 og 17.

- 4. Grasøyane som omfattar alle øyar, holmar og skjer i øygruppa Grasøyane i Ulstein kommune, og som er avgrensa av rette liner mellom faste punkt på følgjande måte: (1) Skjer nord for Grasøya til (2) steia nordaust for Grasøya til (3) stake nordaust for Skjerveøya til (4) varde på Ertenskjeret til (5) bås vest for Tøyrane og derifrå til (1).

Området omfattar følgjande eigedomar: Indre Flo, gnr. 3, bnr. 1, 2, 3, 4, 5, 6 og staten v/Fyrdirektoratet, gnr. 1, bnr. 8.

Grensene for fuglelivsfredning og dei 4 fuglefredningsområda er avmerka på kart i målestokk 1 : 5 000, 1 : 20 000 og 1 : 50 000, dagsett Miljøverndepartementet april 1981. Kartet og vernereglane vert oppbevart i kommunane, hjå fylkesmannen og i Miljøverndepartementet. Dei nøyaktige grensene for fuglefredningsområda på Runde blir avmerka med fargepunkt på steinar og oppsette pålar i terrenget.

Fuglelivsfredinga gjeld for resten av øya Runde og i dei tilgrensande sjøområde innafør følgjande grenser: Nordsida av Rimøya frå Kvieneset til Tenneneset, rett line til Langeneset på Nerlandsøya, nordaustsida av Nerlandsøya til Golleneset, rett line til minimumsavstand 2 km vest og nordvest av Kvalneset på Runde, deretter denne minimumsavstand til fast land til nord av skjera Voren, rett line til minimumsavstand 2 km nord av Grasøya, deretter denne minimumsavstand aust om øya til rett line kan dragast mot Kvieneset på Rimøya.

III

Føremålet med fredinga er å ta vare på eit rikt og interessaant fugleliv og fuglane sitt livsmiljø, særleg med omsyn til sjøfugl-koloniane.

IV

For fuglefredningsområda gjeld følgjande reglar:

- a) Alle fuglar og pattedyr med unntak av villmink er freda mot skade og nydelegging av ein kvar art. Dette gjeld og uroing av fugl eller fugleungar på eller ved reir, eller fugl med ungekull.
- b) Vegetasjonen på land er freda, med unntak av det som følgjer av vanleg ferdsl. Beite skal kunne foregå som før.
- c) Det må ikkje iverksetjast tiltak som kan endre dei natur-gjevne vekstvilkår for plantar og livsmiljø for fuglar og dyr, som oppføring av bygningar, bruk av kjemiske gifter, dumping av avfall o.l. Dette gjeld likevel ikkje vedlikehald av gjerde, forankring av fiskereiskap og anna som følgjer av dei eigedoms- og bruksrettar som gjeld i området, og heller ikkje det som følgjer av drift og vedlikehald av fyrstasjon på Grasøyane.
- d) Av omsyn til fuglelivet er det forbod mot all ferdsl innafør områda, og mot ilandstiging frå båt i tida 15. mars til 31. august for områda 1—3, og i tida 15. april til 15. august for område 4. I denne tida er det og forbode på nokon måte å skremme ut fuglane ved hjelp av skot, blåsing i skipsfloyter o.l. Desse reglane skal likevel ikkje vere til hinder for grunneigarane si næringsutøving etter dei eigedoms- og bruksrettar som gjeld, eller for ferdsl for dei som heyrer heime på øya. Heller ikkje er det til hinder for ferdsl etter oppmerka stiar til og frå oppmerka utkikspunkt.
- e) Ferdsl i samband med ambulans, politi-, brannvern, forvaltnings- og oppsynsfermar er unntatte frå ferdslforboda.

V

For området med fuglelivsfredning gjeld følgjande:

Alle fugle- og pattedyrartar, med unntak av villmink, og også fuglereir, egg og ungar, er freda mot jakt og fangst, skade og nydelegging av alle slag.

Fugl eller pattedyr som gjer skade på innmark eller næringsverksemd kan skremmast bort. Dersom det er fare for omfattande skade på næringsdrift, kan forvaltningsstyremakta gje grunneigar, rethavar eller brukar løyve til å felle visse artar innafør den tid då det er lovleg jaktid for vedkomande art(ar).

VI

Miljøverndepartementet kan gje unntak frå fredingsforesegnene for vitenskaplege granskingar, som del av skjotselsplan for å oppfylle føremålet med fredinga, for oppretting av faste utkikspunkt og tilkomst for å hindre ulykker, for arbeid av vesentleg samfunnsmessig verdi, og i serlege tilfelle når det ikkje strir mot føremålet for fredinga.

VII

Forvaltninga av desse reglane blir lagt til fylkesmannen i Møre og Romsdal.

VIII

Den myndigheit Kongen har etter § 10 til å fastsettje nærare reglar om skjotsel, etter § 21 om merking av fredningar m.v., etter § 22 om regulering av ferdsl og etter § 23 om å gje unntak frå fredningsreglar, vert overført til Miljøverndepartementet.

IX

Desse reglane trer i kraft straks. Frå same tidspunkt vert fuglelivsfredninga på Runde frå 13. desember 1957 oppheva.